

141. FITXA ARABA – Arabako Lurralde Historikoko toki erakundeetako obra txikiak gauzatzeko 2026ko programarako laguntza lerroa

Norentzat: Arabako Lurralde Historikoko kuadrillak, udalak (Vitoria-Gasteizkoak izan ezik) eta administrazio batzarrak.

Sartzeko lotura: [Obra txikiak egiteko dirulaguntzak eskatzea 2026ko deialdia - egoitza](#)

Erreferentziazko araudia: [295/2025 Erabakia, maiatzaren 27koa, Foru Gobernu Kontseiluarena. Onestea Arabako Lurralde Historikoko toki erakundeetako obra txikiak gauzatzeko 2026ko programarako laguntza lerroa](#)

Arloak: Lurralde Oreka

Diru hornidura: 2.052.832 €

Aurkezteko epemuga: 2025/07/11

Laburpena

Arabako Lurralde Historikoko toki erakundeetako **obra txikiak gauzatzeko** 2026ko programarako laguntzak dira.

Diruz lagundu daitezkeen jarduketak

Dirulaguntzak jaso ditzakete 21/2013 Foru Arauaren 17. artikuluan jasota dauden jarduketa motek:

- Hornidura edota saneamendu sareen zati baten konponketak, hautemandako gabezien ondorioz.
- Zoladuraren zati konponketak.
- Obren eta Zerbitzuen Foru Plana arautzen duen 19/2010 Foru Arauko 7. artikuluko 3. atalean jasotako ekipamenduen konponketek, birmoldaketek, teilatuek, ordezkatzeez edo berrikuntzek, baita hiriguneetan dauden aisiako edo jolaseko espazioek ere (zabuek, ekipamendu ludikoek, hiri altzariek).
- Bideak, bidexkak, errekek, ur-bazterrak eta ureztatzeko-ubideak garbitzeko eta mantentzeko obrak.
- Elementu txikitzat hartutakoen eraikinetan konponketak burutzeko, teilaberritzeko edo zenbait

elementu ordezkatzeko edo berritzeko obrak.

- Eraikin publikoetan komertzioak jartzearen alde egiteko jarduerak burutzea.
- Programa honetako laguntza lerroen bidez diruz lagundutako obren jarraipena edo osagarria diren jarduerak.

Baldin eta 17. artikuluko horrek aipatzen dituen jarduketak gauzatzeko erakunde eskudunen baimena edota aldeko txostena behar bada, jarduketari ekin baino lehen eduki beharko da.

Baldin eta eskatutako jarduketa bideetan egin beharrekoa bada, mantentze edo garbiketa jarduketak hartuko dira aintzat, eta salbuespen gisa zoladurak (hormigoizkoak edo akabera asfaltikozkoak), inguruabar fisikoek hala aholkatzen badute (adibidez, malda nabarmenetan), aurkeztutako dokumentazio teknikoan horrela definitzen badira eta, Arabako Foru Aldundiaren Bideen Erregistroan sartutako bideen kasuan, Nekazaritza Garapenerako Zerbitzuak berariaz aholkatzen badu hurrengo paragrafoan aipatzen den txostenean.

Nolanahi ere, eskatutako jarduketa baldin bada obrak Arabako Foru Aldundiaren Bideen Erregistroan sartutako bideetan egiteko, Nekazaritza Saileko Nekazaritza Garapenerako Zerbitzuak aurrekontua edo txosten teknikoa egingo du prozeduraren instrukzio txostena eman aurretik.

Legez definitutako zona arkeologikoetan jardunez gero (kategoria edozein dela ere), nahitaezkoa da Arabako Foru Aldundiko Museo eta Arkeologia Zerbitzuaren txostena edukitzea.

21/2013 Foru Arauaren 17. artikuluko 2. apartatua ezarritakoaren ondorioetarako, laguntza eskatzen duen toki erakundea ondasunen eta eskubideen titulartzat joko da, soilik baldin eta ondasun edo eskubide horiek haren izenean badaude inskribatuta jabetza erregistroan edo, bestela, toki erakundearen ondasunen inbentarioan haren jabetzakoak direla jasota badago.

Gastuen aldi hautagarria

Deialdi honen babesean diruz lagundutako obrak amaitzeko muga eguna **2026ko azaroaren 30a** da.